

1951 ei in onn ordinari de 365 dis

Autor(en): [s.n.]

Objekttyp: Article

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **25 (1951)**

PDF erstellt am: **28.05.2024**

Persistenter Link: <https://doi.org/10.5169/seals-881368>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

1951

ei in onn ordinari de 365 dis

Dallas 4 stagiuns

La primavera entscheiva ils 21 de mars, allas 11.26. Entrada dil sulegl ell'enzenna digl anugl.

La stad entscheiva ils 22 de zercladur, allas 6.25. Entrada dil sulegl ell'enzenna dil giomber.

Igl atun entscheiva ils 23 de settember, allas 21.38. Entrada dil sulegl ell'enzenna della stadera.

Igl unviern entscheiva ils 22 de december, allas 17.01. Entrada dil sulegl ell'enzenna dil capricorn.

Las stgiradetgnas

Egl onn 1951 succedan mo duas stgiradetgnas dil sulegl e neginas della glina.

Las stgiradetgnas dil sulegl succedan ils 17 de mars ed igl 1. de settember. Tier nus ei mo la davosa veseivla.

Abbrevaziuns per ils tetels dils sogns

p. = purschala; cc. = confessurs; u. = uestg; pp. = papa; a. = avat; c. = confessur;
m. = marter; (a) mm. = marters; d. = doctur; ap. = apiestel; v. = vieuia; e. = eremit.

Las 12 enzennas dil firmament

anugl		liun		capricorn		sittion		bov		fumitgasa	
giomber		pèschs		scorpiun		schumalins		stadera		um dell'aua	
Glina nova		Mesa carschen		Glina pleina				Mesa digren			

Quatertempras

Mesiamna, venderdis e sonda suenter l'emprema dumengia de Cureisma, Tschuncheismas, Alzada della sontga crusch e S. Lucia (13 de december).

Fiascas mobilas

Septuagesima, 21 de schaner

Tschundheismas, 13 de matg

Mesjamna della tschendra, 7 de fevrer

Sontgilcrest, 24 de matg

Pastgas, 25 de mars

I. dumengia d'advent, 2 de december

Änceinza, 3 de matg

Schaner



Fein e fretg ellas comprovadas reglas de purs.

Rimnau ed ediu da G. Gadola

Bi Daniev, bia fein, buca mal risdiv. — In migeivel schaner, ruha primavera, pauc fein. — Il schaner temporals, ladretschs strusch ina quarta suls irals. — Bia plievgia il schaner, ina schetga stad. —

1. Il pur ed il Glogn

Da Guglielm Gadola

In remarcabel tetel! vegnan biars a tertgar. Mo en sesez ei ni il tetel ni il tema dil Glogn 1951 enzatgei pli curios. Nus cartein de buca saver far enzatgei pli d'engrau, che de dedicar nies Glogn 25, l'annada giubilonta, al pur romontsch, al pur cun sias bunas e mendras qualitads!

Pli u meins havein nus adina fatg quei. Tgi che posseda tuttas 25 annadas mo percuori ellas; el vegn a seperschuader che finadina cuntegn de quei ch'aulza nies spert e scaulda noss'olma per nossa patria romontscha purila. Ultra de quei continuau cuntegn e de quella tempra permanenta, havein nus dedicau 3-4 annadas tut spezialmein als purs ed a lur tut agens fatgs e problems.

Senza stravagar astgein nusez constatar d'haver dedicau uras libras e dis de vacanza al studi de nossa tiara, de noss'istoria e cultura romontscha purila. E quella disa — pli e pli passionada — ha fatg natira. Contas ga hai jeu stuiu udir: O cala tuttina inaga cun quei Glogn!

Tgei has ti de quella lavur auter che breigias nun necessarias? Silpli, silpli che ti vegnas malvesius da certas vards, che fan a ti mo donn, aviartamein e zuppadamein . . . ! — Havess jeu fatg stem de talas objecziuns pli u meins fundadas, havess jeu rut mia plema bunamein avon ch'entscheiver a scriver. Jeu havess forsa fatg sco quei „pur“, che ha manegiau inaga: el stoppi suar memia fetg de segar, perquei betti el la faultsch per plaun vi e mondi en — fabrica!

Aschiditg sco ei dat tiara dat ei purs: il cultivatur della tiara ei ina appariziun eterna! El medem temps savein nus dir: Aschiditg sco ei dat purs, vegn ei era a dar de „quels narrs“ che cultiveschan cun amur ed ardur tut quei ch'aulza il pur spirtalmein, culturalmein ed era economicamein. — Era nus essan sespruai de far quei, e sch'igl ei è buc aunc reussiu propri bia, cartein nus tuttina de silmeins haver aviert enqualga ils egls ed il cor per la bellezia de nossa tiara e sias clamadas de pur!

Nus havein ina tiara carpusa e quei che fa ragisch seragischa mo plaun. Mo han las ragischs penetrau inaga il tschespet greppus, lu mo vegnien

Schaner

1. Ed els han adorau El. Mt. 2, 1-12

1 G Daniev, Surt. de Crist.		
2 M Num de Jesus		
3 M Genoveva		
4 G Titus c.		
5 V Tschamun confessur		
6 S Buanía		freid

2. Ed El fuva obedeivels ad els. Lc. 2, 42-52

7 D Sontga Famiglia		
8 G Severin		e
9 M Julian m.		
10 M Paul		
11 G Hygin m.		
12 V Arcadi martir, Ernst		nebliu
13 S Veronica p.		

3. Fagei quei ch'El vegn a dir a vus. G. 2, 1-11

14 D 2. s. Buanía		
15 G Maurus a., Paul e.		
16 M Marcel papa e martir		migei-
17 M Antieni avat		vel
18 G Scantsch. d. s. P. a Ruma		
19 V Marius e cumpogns mm.		
20 S Bistgaun Fabian mm.		freid

4. Mei era vus en mia vegna. Mt. 20,1-16.

21 D Septugesima		
22 G Vintschegn m., Gudegn		freid
23 M Raimund c.		
24 M Timoteus u. e. c.		
25 G Conversiun de s. P.		plie-
26 V Policarp uestg e martir		
27 S Crisostomus u. e. d.		

5. Il sem ei il plaid de Diu. Lc. 8,4-15.

28 D Sexagesima		vgia
29 G Francescg de Sales u. e. c.		
30 M Martina purschala e martira		clar
31 M Gion Bosco c.		freid

Fevrer



Cufla da Nossadunna de Candeilas, bials canvaus. — Fevrer neiv e glatscha, fein tocca tetg. — Mitgiert S. Gada, fein e fenada. — Ei S. Gada biala, ston ins per anflar ils canvaus metter la capiala. —

suffels e stempraus! Lu tegn ei ferm e stagn; gie, lu perfin la sigir che survegn furschalas, sch' ella vul tagliar la ragisch!

Ha la semenza dil Glogn fatg ragisch en tiara purila romontscha? En bia loghens bein, mo buc aunc dapertut! Ei dat aunc adina de quels che creian che la liufa fetschi buca tonts purschals, sch' ella vegni pertada ellas colonnas libras dil calendari dil Glogn, e che la vacca savessi aunc better vadi — en gliez cass . . .

Ch'il pur ari u semni, seghi u medi, ch'el pervesi u caischi, in a caussa ligia tuts: il respect della creaziun, dil Creader e Salvador, ella protecziun dil qual sia lavur prosperescha e porta benedicziun . . . Ed aschia cartein nus, ch'ei mondi era cun nus e nossas stentas per in puresser sauns da spert e beineducaus da cor. Bucamo il pegrn, il graun, il glin ed il fein fan ragisch — e quei senza ch'ins vesì adina — anzi, era il spért plantaus els tgaus ed els cors ei enzatgei nundescrivibel; el ei nunveseivels sco l'odur della flur. El cula ord l'olma ed anfla la via en autras olmas, el giudeci, cor e sentiment. Sco'l suc vivificont va aschilunsch e profund sco la ragisch, aschia il spért de vera veta purila. Pli ferma nossa veta interna, pli libers che nus essan; pli gronda nossa libertad, ton pli ferma nossa responsabladad per nies far e schar star.

En quei senn ha il Glogn sespraua d'operar duront igl emprem quart tschentaner, en quei senn vegn el era a continuar.

2. Il pur, la religiun, la Baselgia

De tuttas clamadas ch'existan, ei quella de pur il pli datier de tschiel e tiara. El viva e lavura ella natira e culla natira, pia amiez e cul scaffiment de Diu. Co duess perquei buca ual el esser religius el ver senn dil plaid, essend ch'el e sia missiun ein tschentai ual leu nua ch'il scaffiu, la creatira s'entupa e seligia cul Scaffider e Creader sez.

Il Segner ha zuar smalediu la tiara tschuffergnada entras il puccau, mo il carstgaun, il pur ha midau la smaledicziun entras lavur e suadetsch en benedicziun. El ei perquei restaus la semeglia de Diu. — El ha entschiet a cultivar la tiara, el ha fatg cun siu èr, quei che Dieus veva fatg avon cugl

Fevrer

1 G Ignazi u. e. m.		vent
2 V Nossadunna d. cand.		
3 S Plasch uestg e martir		bletsch

6. Jesus, Fegl de David, pren puccau de mei. Lc. 18.

4 D Quinquagesima		
5 G Gada martira e Titus, u.		e
6 M Turtè martira		
7 M Mesjamna della tschendra		migei-
8 G Gion de Mata confessur		vel
9 V Cyrill, Balugna		
10 S Culastia purschala		

7. Las tentaziuns de Jesus. Mt. 4.

11 D 1. d. C. Invocavit		vent
12 G 7. s. Fundaturs		
13 M Ramun confessur		
14 M Valentin martir		neiv
15 G Faustin e Jovita		
16 V Giuliana p.		plie-
17 S Martinian c., Fitau u.		vgia

8. Sia fatscha ha tarlischau sco il sulegl. Mt. 17, 1-9.

18 D 2. d. C. Reminiscere		
19 G Curdin Florentin		bi
20 M Paula purschala		
21 M Felici		
22 G Scantsch de s. Pieder a. A.		
23 V Pieder Damian d.		
24 S Matias apiestel		bi

9. Quel ch'ei buca cun mei, ei encunter mei. Lc. 11.

25 D 3. d. C. Oculi		
26 G Alexander		
27 M Gabriel conf.		
28 M Fortunatus		bi

Mars



Neiv ils «Curonta Marters», dat ei aunc curonta bischas. — Bi S. Giusep, bien onn de fein e risdiv. — Da S. Benedetg schetg, mintga crest siu fretg. — Biala Nossadunna de Mars, in bien onn. Tunadas il mars, canvadas il fenadur. —

univers ch'era vits e nunordinas. Perquei ei il pur la creatira che stat il pli datier de Diu, e ch'ei denter tut ils humans il pli semiglions ad El. Ins sa dir: el ei restaus Adam, igl emprem ver human, il plascher dil tschiel — aunc adina il preferiu de Diu.

Nuota curvien pia, che tut ils pievels dils quals nus enconuschein la historia, ils pievels purils ein restai il pli fideiveis alla religiun primara de quest mund; gie, ch'els ein atgnomein stai ils davos che han acceptau la religiun de Cristus, il Fegl de Diu, ils davos ch'ein daventai ord humans carstgauns (=cristgauns, sco ins scheva e scarveva pli bauld).

„Pagani“ (= pagus = pagauns) vegnevan ils purs digl imperi roman numnai dal temps che la doctrina de Cristus veva gia gudignau ils marcaus romans, mo buc aunc pudiu far vau viadora silla tiara. — Mo co leva gest il pur resister aunc pli ditg alla religiun de Cristus, a quella nova e tuttina pli veglia e suletta vera religiun de quest mund; a quella religiun de Cristus, il Fegl de Dieus Bab, che duvrava tons maletgs e parablas ord la veta purila, per menar ils pagauns alla capientscha de certi misteris? Per puspei ligiar il tschiel cullà tiara, ha Cristus sesurviu de maletgs e fatgs terresters e purils — e quels ligioms han lu puspei religiau la tiara cul tschiel.

Havend quella plonta cristiana finalmein catschau ragisch, ha ella purtau tschiendubel fretg ed ils utschals dil tschiel han fatg lur ignivs en ella. Conts mellis spirituals, luvrers ella vegna dil Segner, ha il stan puril schenhegiau alla Baselgia el decours de dus millesis! ? Gl'emprem ils fepls de bunas, beinstontas famiglias purilas, e pli tard, entochen nos dis, era ils fepls de puranchels . . .

E dattan buca gest las biaras bialas baselgias e capluttas ora silla tiara la megliera perdetga, co nos purs han carezau lur religiun e purtau las pli grondas unfrendas alla Baselgia dad els aschi respectada e venerada? E sche nus persequitein la damonda: Ord tgei miez sorteschan oz ils spirituals dil marcau? Lu muossa la statistica, ch'ils biars ein fepls dell'emprema u secunda generaziun vegnenta neu de fepls de purs, che han stuiu setrer els marcaus, per far piaz a quels ch'ein restai a casa. — Mal, aunc pli mal, stess ei da quellas vards, sche la tiara purila fuss buc aunc oz in re-

Mars

1 G Albinus u. e. c.		criu
2 V Simplicius papa		
3 S Cunigunda imp.		

10. Jesus spisgenta 5000 umens. Gion 6.

4 D 4. d. C. Lætare		
5 G Gion Giusep della Crusch		freid
6 M Fridolin avat		
7 M Tumasch d'Aquin c. d.		
8 G Gion de Diu c.		plie-
9 V Francisca vieua		vgia
10 S 40 martirs		

11. Tgei fas ti ord tetez? G. 8,46-59.

11 D della passiun		bi
12 G Gregori il grond papa		
13 M Modesta purschala		
14 M Matilda p.		
15 G Longinus m.		bi
16 V Heribert confessur		
17 S Patrici uestg		clar

12. Hosanna al fegl de David. Mt. 21,1-19.

18 D de Palmas		e
19 G Giusep		
20 M Wolfram		
21 M Benedetg avat		
22 G Gievgia sontga		freid
23 V Venderdis sogn		
24 S Sonda sontga		

13. El ei levaus si. Mc. 16,1-9.

25 D Pastgas		
26 G Pastgas		
27 M Gion Damascen		
28 M Gion Capistran, c.		
29 G Eustasius martir		neiv
30 V Quirin martir		
31 S Balbina p., Guido avat		



Avrel

*Neiv els zuolcs, Pavel dapertut. — Avrel
bletsch, fein schetg — Igl avrel ei il fumegl
dil mars, e lai anavos sco'l ha survegniu.
Plov' ei da Pastgas, dat ei sec e bien fein. —*

servari en quels fatgs e quei malgrad ch'igl ei era cheu iu anzi anavos ils davos decennis . . .

Possi nossa tiara muntagnarda, tschentada e situada aschi datier dil tschiel, serecuvrar en quei grau e continuar quella pli sublima tradiziun.

3. Il pur e la dumengia

Pur ei la pli veglia clamada dil carstgaun. Gl'emprem cudisch de Moses, il pli vegl de quest mund, ei in cudisch puril. Igl èr benediu, las grevas monas, las grassas muntaneras tut che ballan, ein las empremas valurs terrestras dellas qualas la Bibla plaida. „Abel era in nursèr e Cain in pur (agricolan)“. Il mund ei strusch staus scaffius, ch'il pur ei daventaus collaboratur e fumegl de Diu. Quella „clamada“ ei semantenida entochen sil di ded oz, pertgei ch'il pur retscheiva aunc oz la benedicziun direct ord ils mauns de Diu. Quei fatg sa il pur mai emblidar e perquei vegn ei strusch a dar bia purs senza Diu. Per quei motiv dat ei era buc ina professiun u clamada, che tegn aunc aschi ault la dumengia, il di dil Segner, sco'l pur!

Il survetsch divin dil pur entscheiva buca pér suenter igl emprem Evangelii e finescha buca gia avon ch'il secund haigi entschiet. El va a messa canta da ed era a priedi la dumengia. A casa stat mo tgi ch'ei stau a pervergiar ed a messa marveglia. Tuts che van a messa, era sch'ei ston far ina ura viadi. Il priedi dil plevon ei la scola aulta dil pur; plaida gie Cristus ord igl Evangelii, che fa aschi bugen diever de maletgs, exempels e parablas ord la veta purila! Quella filosofia capescha il pur — senza crutschas. Era l'unfrenda de paun e vin capeschan paucs meglier che vers purs, ch'han l'entellgientscha ellas admirablas midadas el regenavel della natira e dil surnatural! E tgi sa meglier ch'els tgei unfrenda e sacrifici vul dir?

Suenter gentar va el a viaspras e forsa schizun a processiun. Con bugen conta el ils vegls psalms, raquentan quels gie il bia della bellezia scaffiziu de quest e l'auter mund, dil mund sil qual il pur stat cun domisdus peis, e dil s. Parvis pil qual el senta ch'ei crescha alas duront ch'el conta ils himnis pleins speranza eterna! Schei sch'igl ei buca aschia? La dumengia

Avrel

14. La pasch seigi cun vus. G. 20, 19-31

1 D	Dumengialva		freid
2 G	Francesg d. Paula		
3 M	Richard uestg		
4 M	Isidor u. c.		bi
5 G	Vincenz Ferreri, c.		
6 V	Sixtus pp.		
7 S	Hermann confessur		stgir

15. Jeu sun il bien pastur. G. 10, 11-16

8 D	2. s. Pastgas		
9 G	Maria Cleofa, p.		fer-
10 M	Macarius		
11 M	Leo I., p.		
12 G	Giuli I, papa		da-
13 V	Hermenegildus m.		
14 S	Justinus m.		

16. In cuort temps e vus vegrnis a ver mei. G. 16, 16-21

15 D	3. s. Pastgas		glia
16 G	Patern uestg		plie-
17 M	Anicet p. e. m.		
18 M	Clara de Pisa, m.		vgia
19 G	Leo IX papa		criu
20 V	Sulpizius		
21 S	Anselm c. e d.		

17. Jeu mon tier quel che ha tarmess mei. G. 16,5-15.

22 D	4. s. Pastgas		plie-
23 G	Gieri martir		
24 M	Fidel de Sigmaringen m.		vgia
25 M	Marc evangelist		va-
26 G	Cletus e Marcellin pp. e. m.		ria-
27 V	Pieder Canisi c.		bel
28 S	Paul d. crusch c.		

18. Rughei e vus vegrnis a retscheiver. G. 16,23-39.

29 D	5. s. Pastgas		mi-
30 G	Catrina da Siena, v.		geivel



Matg

*Calonda matg plievgia, pauc fein e pauc
fretg. — Purgina calonda maia, ault e spess
fretg. — Carschen matg, la neiv els praus
grass: neiv mintga meins stad — Matg
frestg, zercladur lom, buontad onn. —*

dil pur ei exact sco quella de Niessegner: sis dis ha el luvrau, il siatavel ruaussa el en grazia cun Diu!

Quels dils marcaus strappazan la dumengia naven dell'alva entochen la stgira; pils biars ei quei il pli stuffi di della jamna! La dumengia-sera veggan ei a casa miez ventschi. — Il pur encuntercomi ei seruassaus en Diu e va aunc la sera a Rusari, per allura aunc far dus pass atras ses bials praus ed èrs, che contan ad in cantar laud e gloria al Segner ed a tuts buns carstgauns cheu sin tiara. — Tgei clamadas e professiuns han aunc ina schi biala dumengia?

4. Il pur e la patria

Davart „pur e patria“ seschass ei scriver in entir cudisch. — Negin dubi! Tgei „patria“ vul atgnamein dir gliez capescha mo quel entir entratgamein, che sa tschentar siu pei sin siu terratsch, sil tschespet sogn de siu bab (= pater = patria)! Perquei eis ei era buca de far curvien, che nossa patria grischuna e svizzera ei oravon tut in'ovra de nos babuns, ch'ein stai mo purs. Ins patratgi vid las ligias svizzeras e reticas! Lur fundaziun e sviluppaziun stattan en stretg connex culla ferma e decidida voluntad de semantener sesez. Quella voluntad ha formau nies pievel della tiara e cunquei nossa patria, ed era pli tard mantenu nossia tut atgna originalitat, entochen sil di ded oz.

Fussen ils „Signurs“ feudals d'avon las ligias buc era els per gronda part stai affons della tiara, tgisà sche la „forza gronda“ che schai els purs, füss veggida dominè senza sanguinusas uiaras e battaglias? Strusch!

De quella ferma voluntad de crear ina patria purila, dat già la brev della Ligia de 1291 clara perdetga: „In e scadin dueigi saver, che la glieud della vallada digl Uri, il cumin della vallada de Sviz e las vischnauncas della glieud de Sutsilvania, en consideraziun dils schliats temps, sinaquei ch'els sappien proteger sesez e lur fatg, ed era mantener e conservar quei en bien uorden, han engirau in a l'auter en buna fei, cun cussegli e buna veglia. E scadin cumin empermetta a l'auter d'en scadin cass veginr en agid aschigleiti sco quei fa debasegns e quei sin agen cuost.“ — Quell'uisa presa-

Matg

1 M Giachen e Flepp apostels		urezi
2 M Atanasi uestg		
3 G Anceinza		
4 V Mengia v.		sche-
5 S Pius V papa		lada

19. Per che vus prendeies buca scandal. G. 16,1-4.

6 D 6. s. Pastgas		
7 G Stanislaus u. e. m.		bi
8 M Michel		
9 M Gregor d. N. u.		e
10 G Antonin u e. c.		
11 V Beat c.		
12 S Pancraz m., Dionis		schetg

20. Mia pasch dun jeu a vus. G. 14,23-30

13 D Tschuncheísmas		
14 G Tschundheismas		
15 M Gion Batt. de la Salle c.		bi
16 M Gion Nepomuc m.		e
17 G Paschalis c.		
18 V Venanzi martir		schetg
19 S Pierer Celestin p.		

21. Instrui tuts pievels e battegei els. Mt. 28,17-20.

20 D Ssma. Trinitad		bi
21 G Felici d. Cant.		
22 M Giulia purschala e m.		
23 M Desideri uestg e m.		
24 G Sontgilcrest		
25 V Gregor VII p.		schetg
26 S Flepp Neri confessur		

22. Hagies mei perstgisau. Lc. 14,16-24.

27 D 2. s. Tschuncheismas		
28 G Augustin a., Victor m.		plie-
29 M Madleina de Pazzi		
30 M Felix I., p. e. m.		vgia
31 G Petronilla purschala		

Zercladur



Bi s. Gion, bia fretg, bi fein. — Suffel da S. Gion, regia sur tut onn. — Conta il cu-cu suenter S. Gion, dat ei in car onn! — Plievgia da S. Gion, mintga spiglia piarda siu graun. —

pauc tunan era las ligias reticas! — Ils purs sezs „enten num de Diu il Tutpußsent“, han pia creau e fundau nossa patria. E sch'igl ei era midau bia el decuors dils tschentaners: la noblezia dil saung puril selai buca deragischar! Enzatgei della vigurusadad purila, de sia resistenza, de sia beinfundada luschezia ei restau a nus sco ierta communabla entochen sil di ded oz! — En mintga Svizzer ei zatgei dil pur, era el luvrer dil marcau. Era quels della secunda generaziun, seigien ei lu fabrechlers ni birolists: els ein aunc ella secunda generaziun miez purs. E quei ei la scompa, che nos marcaus ein buc aunc impestai da rudien dal socialismus e communismus . . .

Quei che prui ord la tiara stat sidretg e sedrezza egl ault, viers la glisch, viers il tschiel. Quei che vul purtar bien fretg, bein madirau, gliez senutrescha ord il suc della tiara ed ord la forza dil tschiel! Perquei passa il pur, il fundatur de nossa patria, agradsi atras ses praus, aschi encadenaus cun siu terratsch ch'el ei, mo adina cull'egliada siviars, danunder che la gronda idea de sia patria ei vegnida: „Enten num de Diu il Tutpußsent!“

5. Il pur e l'armada

L'istoria svizzera sco grischuna muossa a nus, ch'il pur ei adina staus schulda u, in detschart defensur de siu suolm, de siu tschespet: la pli custeivla ierta de ses vegls, de ses affons e beadis! Perdetga ein Morgarten, Sempach, Naefels, Tgalaveina. Gie, lur forza militara era per temps aschi gronda e pussenta, ch'ils fegls de purs, ils aschinumnai mercenaris decidevan las grondas fiascas leuora el mund grond. Sco oz, haveva da lezzas uras la puraglia, cunzun la muntagnarda, las grondas e fermas famiglias. Ferton che oz la forza surabundonta della tiara emigrescha el marcau, per gudignar leu il paun de mintgadi, mavan nos mats schuldau ilsezs dis: leu nua ch'ins veva il pli basegns dad els, essend che nos paucs marcaus svizzers savevan aunc semantener sesez cun lur atgna figlialonza. Dapi 100 - 150 onns ei quei malamein midau: nos marcaus muressen gleiti ora, sch'eい vessen buc il succuors d'ina sauna e robusta razza, che sederscha aunc adina neugiù dils cuolms „dals quals vegn il salit“. Ils marcaus san senutrir

Zercladur

1 V Cor de Jesus		
2 S Marzellin s.		criu

23. Jeu hai anflau mia nuorsa. Lc. 15, 1-10

3 D 3. s. Tschuncheismas		frestg
4 G Francestg Caracciolo, c.		
5 M Bonifaci m.		
6 M Norbert u. e. c.		mi-
7 G Robert avat		
8 V Medardus m.		geivel
9 S Felician		

24. Ei han bandunau tut e suondau el. Lc. 5, 1-11

10 D 4. s. Tschuncheísmas		bi
11 G Barnaba apiestel		
12 M Gion Facundo		
13 M Antoni de Padua c. e. d.		varia-
14 G Baseli uestg		
15 V Mudest e Vitus mm.		bel
16 S Geletta martira		

25. Va e sereconciliescha! Mt. 5,20-24.

17 D 5. s. Tschuncheísmas		bi
18 G Efrem d.		
19 M Giuliana p.		
20 M Silverius p. e. m.		
21 G Aluis de Gonzaga c.		plie-
22 V Paulin u. e. c.		
23 S Edeltrud p.		

26. Jeu hai compassiun dil pievel. Mc. 9,1-9.

24 D 6. s. T. Gion Battesta m.		
25 G Guglielm avat		vgia
26 M Vigeli martir, Gion e Paul		
27 M Ladislaus		
28 G Jreneus u. e. m.		
29 V Pierder e Paul apostels		
30 S Commemoraziun de s. Paul		bi

Fenadur



Dus dis sulegl, in di plievgia il fenadur (=per jamna), risdiv tochen tetg. — Fein sec sc' ina cocca il fenadur, risdiv tgietschen sc' in luv. — Mezs ladretschs fein il fenadur, strusch pleins miez settember. —

e semantener mo entras quei saung schuber aunc buca lavagau e degenerau . . .

E co stess ei pér cun noss' armada e culla defensiun della patria, cul manteniment de nossa neutralitat, sch'ei dess buc aunc oz numerosas famiglias cun 5 e 6 ed aunc depli schuldaus? Co stess ei cul manteniment de pasch ed uorden ell'atgna tiara, sch'ei dess buc aunc oz entirs battagliuns e regiments schuldada della tiara? Fideivels fegls de purs, ch'ein pronts de dar lur veta pil manteniment dil ver spert svizzer! Co fuss ei iu anno 18 senza ils regiments de schuldada purila, senza ils Grischuns, Valesans e quels della Svizzera centrala? E duront la davosa uiara mundiala? Ch'ins patratgi in mument sur quels fatgs! —

Tonpli sesmarveglein nus — e quei seigi detg grad ademplat — ch'ils officiers svizzers d'in cert grad ensi, secomponan aunc oz mo ord certs cerchels, che stattan tuttavia buca en stretg contact culla populaziun purila della Svizzera. Duront tschella uiara mundiala dev'ei aunc beinenqual pur-colonel, era ord contradas muntagnardas; mo conts dat ei oz? Nua ein oz quels „pratichers“, ch'enconuschevan da rudien spért ed olma dil schuldau ordmiez relaziuns purilas? Tgi fuorma oz la flur della féffa dils pli aults comandos militarics? Quei ei damondas, che scadin schuldau svizzer, d'ina tiara democratica, tschenta — e sa per part era rispunder . . .

6. Pur, poesia e cultura

Tgei rihezia! Sur quels treis plaids e treis temas savess ins scriver treis cudischs! Nos megliers poets romontschs ein sez stai purs, u fegls de purs. Els han cantau ed incantau il pur, sia ventira, sia cultura: G. A. Huonder, G. H. Muoth, G. M. Nay, Alf. Tuor, Fl. Camathias . . . per numnar mo ils prominent. Object, fuorma e cuntegn de lur ovras ei il pur romontsch cun sias bunas — e mo darar cun sias mendras qualitads; gie, perfin il lungatg ei tiels buns il pulpiu lungatg puril, popular.

En lur ovras poeticas han els glorificau la cultura purila, la ventira e cumentientscha, ensumma tuttas vards suleglivas de nossa tiara e de sia sempla glieud purila. Remarcabel eis ei mo, ch'il stan puril, malgrad ch'el ei

Fenadur

27. Sepertgirei dals fauls Profets! Mt. 7,15-21

1 D 7. s. Preziusissím Saung		
2 G Visitaziun de Maria		stgir
3 M Leo II		
4 M Duri u., Berta		
5 G Antoni Maria conf.		e
6 V Dumenia		
7 S Cyrillus u.		

28. Dai quen de tia administrazjün. Lc. 16,1-9

8 D 8. s. Tschuncheismas		cauld
9 G Veronica		
10 M Siat ss. Frars		
11 M Placi e Sigisbert		bi
12 G Gualbert avat		e
13 V Anaclet papa		
14 S Bonaventura u.		cauld

29. Mia casa ei ina casa d'oraziun. Lc. 19,41-47

15 D 9. s. Tschuncheismas		
16 G Nossadunna dil Carmel		bi
17 M Alexi c.		e
18 M Camillus c.		
19 G Vincenz de Paul c.		cauld
20 V Margretta p. e. m.		
21 S Praxedis v.		

30. In fuva in fariseer, l'auter in publican. Lc. 18,9-14.

22 D 10. s. Tschuncheismas		
23 G Appolinari uestg		
24 M Cristgina purschala e m.		
25 M Giachen ap.		
26 G Onna mumma de Maria		plie-
27 V Pantaleon m.		
28 S Nazar e Celsius mm.		

31. Ils suords ha'l fatg udir. Mc. 7,31-37.

29 D 11. s. Tschuncheismas		
30 G Abdon e Sennen mm.		vgia
31 M Ignaz de Loyola conf.		



Uost

Cauld l'emprema jamna d'uost, in ruh unviern. — Plievgia Nossadunna d'uost, plievgia entochen Nossadunna settember. — Brentina igl uost fa migliar si rubas e strubas igl unviern.

vegnius iudaus e glorificaus davart nossas meglieras ovras poeticas, entscheiva a piarder siu ideal, sia resistenza e sias tradiziuns! Sch'ins sa constatar ozildi ina certa digren quei che pertegn las tipicas qualitads purilas de nies pievel, sch'ei quei franc buca la cuolpa de nos poets . . .

Dat ei aunc „purs suverans“, sco tut ils sura citai contan en lur canzuns? Nua ein quels „pugniers“ dellas „Mesiras“? Nua en tiara romontscha dat ei aunc „Flurs de Ramuosch“ e nua aunc purs e magnancs sco el „Mat de cuolm“ e „Sin Cadruvi“? Tgei han quellas bellezia cantadas purilas aunc de dir alla generaziun hodierna? Alla generaziun della secunda mesadad dil 20avel tschen-taner? Ein quellas ovras de nos megliers, che han incantau nos tats e nos babs aunc el cass de scaldar spert e coraglia de nos fegls? Lunschora buc a tuts!

Schebein ch'ins ha detg, che la poesia purila romontscha semanifesti princpalmein sin meisa — a caschun de perdanonzas e ventschidas — ei quei oz buca pli il cass! Oz ei igl ideal e la poesia ella buorsa! Economists ein buns purs adina stai e ston esser; mo oz ein biars sviasi viaden els ensolvers dils materialists! Conts quentan oz mo pli culla „rendita“ e culs „procents en daner blut“! De tut gl'auter vegn ei abstrahau. L'independenza en far e schar star, la libertad sin siu agen tratsch, perfin ils products de ses agens praus — quei tut vegn quintau pauc! Bia purs ded oz mesiran tut lur far e demenar cun la pagaglia dil manual Els vesan mo il rap „anga il rap“! Tut quei che nos poets han scret e cantau della bellezia dil stan puril, ei oz en vesta alla rendita ed als procents d'auters „mistregns“ mo bahautschas e tschaguolas d'enzaconts pli strubegiai che studegaii . . .

Aschia stat ei ed aschia tun'ei tscheu e leu neuadord las roschas de nossa hodierna puraglia — e quei malgrad che nossa megliera poesia ha viu meglier e nossa cultura mussau meglier. Il pauc bien che nus havein aunc oz, ha il suer de nies tschespet puril . . . Con ditg mantenin nus aunc quell' odur? Mo aschiditg che nus havein aunc purs, che san valetar la clamada de pur en sia totalitat! Daventa in di „la rendita“ il sulet muossavia e la schurnada dil manual la suletta „mesira“, lu calein nus peradina ded esser in pievel de genuina poesia e cultura purila. Lu va ei cun nus, sco igl ei aunc iu cun outras contradas purilas romontschas, ch'han mo pli „signurs“ e parlèrs — mo buca pli purs!

Uost

1 M	Fiasta federala		
2 G	Alfons u. c. e d.		
3 V	Reliquias de s. Stiafen		bi
4 S	Dumeni confessur		

32. Tgi ei miu proxim? Lc. 10, 23-27

5 D	12. s. Tschuncheismas		urezi
6 G	Transfig. de Cristus		
7 M	Cajetan e Donau cc. mm.		
8 M	Ciriacus martir		
9 G	Gion B. Vianney, Roman		plie-
10 V	Luregn martir		
11 S	Susanna martira		

33. Tia cardientscha ha fatg tei sauns. Lc. 17, 11-19

12 D	13. s. Tschuncheismas		vgia
13 G	Hippolyt e Cassian mm.		
14 M	Sievi m.		
15 M	Assumpziun de Maria		
16 G	Giohen, Roc conf.		urezi
17 V	Hiacintus c.		
18 S	Helena imperatura		

34. Negin sa survir a dus signurs. Mt. 6,25-33.

19 D	14. s. Tschuncheismas		
20 G	Bernard avat		plie-
21 M	Francisca de Chantal		
22 M	Timoteus		
23 G	Flepp Benizius conf.		
24 V	Barclamiu a.		
25 S	Ludivic retg e c.		

35. Dieus ha visitau siu pievel. Lc. 7,11-16.

26 D	15. s. Tschuncheismas		
27 G	Giusep Calasanz c.		
28 M	Augustin doctur		vgia
29 M	Scavazzada d. s. Gion		
30 G	Rosa de Lima		
31 V	Ramun conf.		

Settember



Bragia S. Frena, daghir' ei igl atun. — S. Frena burrida, tersiel buca stèl. — Tun' ei il settember, dat ei gl' auter onn bia puma, laussas e froslas. —

7. Il pur ed igl jester

Per ordinari ei il pur muntagnard serraus, mets e reservaus, sco crappa e lenna che circumdeschan el. Da temps normals ha el è nuota vuliu saver bia digl jester, dil marcau: el era sez siu retg e duvrava negin! — Mo ei ha era dau temps, nua ch'il pur era bi leds de saver tarmetter ina part de sia glieud egl jester. Quei era in stuer, sco'l sepresenta aunc oz tier beinenqual... Mo da l'autra vard astgein nus era buca surver, ch'igl „ir egl jester“ ei davaentaus per biars dils davos 2—3 decennis ina malsogna contagiusa, in fugir „runtgas e pitgognas“ pli per vez che per vertid! Cura che las viasfier, „quel instruments de rendita“ (cunzun el Grischun)! e de trafic e commerci, han giu aviert nossas valladas muntagnardas, ei la bahaultscha e la malruassei-vladad digl jester entrada en nossa ruassei-vladad e cumentientscha. Meglier gudogn, pli leva lavur ed empau tscheiver mintga meins digl onn han giavinau quel e quella ella „bassa“. In fegl d'in pur ei ius tiella viafier, ina feglia a „survir“. Il frar ei ius suent'il frar, oravon tut pervia dil „daner blut“. La sora vegn en vacanzas: pezs e pindels, capials alla moda sufflan e paradeschan pli ault e pli „stramm“ che las bandieras dils mats en parada... Giavalen, co quei plai alla mumma ed allas soras, e co ellas portan sezzas quellas „fanas“ che la sora en vacanzas ha schau a casa per regurdientscha beada de sia preschientscha. Il marcau, la bassa ei il s. parvis; las pitgognas il purgatieri perpeten.

Ed aschia ha ei entschiet ed aschia continuesch'ei, per biars che havessen nuota stuiu ir egl jester. Quei ir egl jester ei quel della „rendita“, quel dell' aschinumnada de populaziun dellas valladas muntagnardas! Denton, schei mo ual, a quella moda e maniera d'emigraziun vegn il temps a metter tiarms tut da sez! Inaga — aschia raquentan ils vegls — dev'ei alps, nua ch'igl ei oz vitgs ed uclauns, ed inaga vegn ei puspei a dar vitgs, uclauns ed uclivas, nua che nus vesein oz ruinas e fundaments ellas umbrivas. Il temps ha vulviu aunc pli che mo de quei!

E dil reminent: nossas contradas purilas ni san ni astgan murir ora: il fundament de nies pievel svizzer ein gie quellas famiglias purilas, che han viviu, luvrau e semudergiau dapi tschentaners e da generaziuns sin generaziuns en lur vitgs, lur uclauns ed uclivas; ellas ein quels ferms pegns d'untgida, che resistan aunc oz a scadina malaura...

Settember

1 S Frena purschala



36. Tgi che sesaulza, vegn a vegrir sbassaus. Lc. 14,1-11

2 D Fiasta dils aunghels



3 G Mansuet uestg



4 M Rosalia purschala



belle-

5 M Luregn Justinian u. c.



6 G Magnus avat



7 V Regina p. e m.



zia

8 S Naschientscha de María



37. Qual ei il pli grond condament della lescha ? Mt. 22

9 D 17. s. Tschuncheismas



urezi

10 G Clau da Tolentino



11 M Felix e Regula mm.



12 M Num de Maria



13 G Maurilius uestg



bi

14 V Alzada della s. crusch



15 S 7 dolurs de Nossadunna



38 Leva si, pren tiu létg e va. Mt. 9,1-8.

16 D Rogaziun federala



plie-

17 G Stigma. d. s. Francestg



vgia

18 M Giusep de Cupertino c.



clar

19 M Januarius u. e m.



20 G Eustachius m.



21 V Mattiu a.



e

22 S Murezi m.



39. Biars ein clamai, mo paucs legi ora. Mt. 22,1-16.

23 D 19. s. Tschuncheismas



24 G Maria de Mercede



bi

25 M Clau da Flia



26 M Cyprian e Justina p. m.



plie-

27 G Cosmas e Damian mm.



28 V Venzeslaus m.



29 S Mihel arzaunghel



40. El ha cartiu e sia entira casa. G. 4.46-53,

30 D 20. s. Tschuncheismas



vgia

October



*S. Gagl schetg, gl' auter onn pauc fretg. —
Gl' atun bia vinatscha, gl' auter onn bia segal-teniv. — Bischa S. Gagl, ha gl' unviern
fiers ora in vadi gagl. —*

8. L'uniu purila

Buc ina clamada u professiun ha aschi paucas „uniuns“, sco'l pur! Sia suletta uniu ei la famiglia. Ella ei il curtgin de tut bien. Negliu han ins oz pli bia respect dils geniturs ch'ella famiglia purila! Possi mò mai enzatgi sligar e disfar quella uniu! —

Dasperas silpli ch'il pur fa aunc part dell'aschinumnada „Uniu purila“. Quella ei oz ina necessitat, ina forza el combat economic, ch'il pur sto batter per mantener si'existenza. Nossa uniu purila ha gia gronds merets, en bia graus, ed oz mass ei ensumma buca pli senza ella! Quei ei in fatg nundispiteivel. Ella ei ferma e vegn a vegnir aunc pli ferma, sch'ella punctuescha e realisescha oravon tut ils ideals purils, il ver spert e la carezia per il puresser e sia cultura.

Il meglier che l'uniu purila sa porscher al pur, ei la renovaziun de sia valur etica. Cul spert della „uniun“ entra el cor il senn de cumionza empei dil spert egoistic, enstagl scuidonza il plascher pil beinstar dil proxim, enstagl malvuglientscha la cumentientscha ed il vicendeivel agid denter vischin e compatriot.

Per che quei sappi veramein daventar, sto il „signur“ daventar pur en siu far e sentir, ed il pur restar el signur e patrun en sia uniu . . . !

9. Il pur e l'economia

„Tgei vul è in toc professer saver dell'economia purila“? Aschia tratga probabel beinenqual lectur dil sura tetel. Pusseivel! Mo ton sco in e mintgin che patratga ed observa las caussas, sa forsa er'el dir, e la finfinala anfla era ina gaglina tschocca mintgaton in garnetsch che quellas de dus egls han buc aunc engartau . . . Cheu mo varzaconts puncts ed exempels, essend che nus havein buc el senn de scriver in tractat davart il pur e sia economia: 1. Eis ei economic, sche nos purs han absolutamein negin interess de vender lur bien latg ded alp, ni silmeins inton de quel, duront la stad ch'igl ei biars en nos vitgs — glieud en vacanzas, jasters e dumastiis — e che beinqual centrala de latgiras en schitgiras lai vegnir entochen 100 liters e varga latg

October

1 G Rumetg uestg		
2 M Fiasta dils aunghels		freid
3 M Tresa d. affon Jesus		
4 G Franzestg d'Assisi c.		plie-
5 V Placi m.		
6 S Bruno confessur		vglia

41. Sche vus vegnis buc a perdunar. Mt. 18, 23-35

7 D dil Rusari		nebliu
8 G Brida vieua		
9 M Glienard c.		
10 M Franzestg de Borgia		
11 G Maternitad d. Nossadunna		
12 V Maximilian		sche-
13 S Eduard retg e conf.		la

42. Eis ei lubiu de dar il tscheins a Cesar? Mt. 22

14 D 22. s. Tschuncheismas		da
15 G Tresa purschala		
16 M Gagl avat Hedvic v.		
17 M Magreta Alacoque p.		
18 G Lucas evangelist		
19 V Pieder d' Alcant. conf.		
20 S Gion Canzius, Vendelin		

43. Tia cardientscha ha tei fatg sauna! Mt. 9,18-22.

21 D 23. s. Tschuncheismas		va-
22 G Cordula martira		
23 M Severin uestg		
24 M Rafael arzaunghel		ria-
25 G Crispin e Crispinian		bel
26 V Evaristus p. e. m.		
27 S Florentin e Sabina mm.		fer-

44. Segner, sche ti vul, pos ti medegar mei. Mt. 8,1-13

28 D Cristus Retg		
29 G Tschamun e Giudas a.		da-
30 M Veronica p., Seraphion		
31 M Uolf uestg		glia

November



Il di dellas olmas fa ei bugen ruh. — Son-tga Catrina meina las vaccas en casina. — Stat la neiv il november, dat ei in bien onn de fretg gl' auter onn. —

per di neusi dad Uster e d'auters loghens della bassa? Eis ei veramein nunpusseivel de cassar quella inconsequenza e de retrer persuenter igl atun ch'ei vegn dad alp empau caschiel de zun mediocre qualitat de meins? Igli ei numnadamein factum, ch'il caschiel ded alp della gronda part de nossas alps ei buca buns, buca qualitat, ferton ch'il latg ei da stupenta mur e savur! 2. Eis ei economic e prudent, sche nus schein vi tontas alps grischunas als purs della bassa, che practicheschan quelluisa quei che nus havein fatg entochen uss! La tratga de biestga! Consequenza de quella practica: els laian a nus nossas genetschas e vaccas giuvnas, ni smaccan sils prezis. Cun in plaid: nus fagein a nusez la pli gronda concurrenza! (Cheu forsa che enqualin di a mi: E tgei far cun las alps che vegnessen aschia danvons? Schar construir leu ovras electricas? . . . ch'ils „auters“, che han de far cun quellas nuot scamondan a nus de schar far! Ina sligiaziun fuss forsa de cargar quels politicasters de „pli bugen nuot che ovras electricas“ en quellas alps empei dils stiarls che nus vendevan pli bauld als Taliens). 3. Co stat ei culla „Moziun Sialm“ arisguard la promozion dellas scolas de sera per feglis de purs ord scola — en nos vitgs muntagnards? Cun quellas scolas de clamada per nos giuvens purs, che han buca la pusseivladad ded ira giul Plantahof?! Nua, en tgei vitgs, han scolasts (ch'ein pagai oz undreivlamein) introduciu talas scolas de perfecziun? Scolas, cuors che fussen d'immenza impurtonza? — Nus havein oz ina stupenta scola de professiun per mistergners a Compadials; ina scola de gronda impurtonza sociala-economica. Eis ei propri nunpusseivel de far enzatgei semigliont per nos giuvens purs? Fuss ei propri nunpusseivel, che la claustra de Mustér endrizass ina semiglionta scola per giuvens purs muntagnards, per ex. a Rumein — e cun agid dils cumins della Part sura! Quei ei mo zacounts paucs patratgs sur dils quals ils politichers de professiun vegnan probabel a far beffas e gomias: mo ein tals patratgs buc aunc adina megliers — ch'ensumma negins patratgs . . . ?

— * —

November

1 G	Numnasontga		clar
2 V	Di dellas olmas		
3 S	Ida contessa, Pirmin uestg		bletsch

45. Pertgei temeis, vus de pintga cardientscha. Mt. 8

4 D	25. s. Tschuncheismas		bi
5 G	Zacharias Lisabet		
6 M	Leonard confessur		
7 M	Engelbert uestg e martir		plie-
8 G	Gottfried conf.		
9 V	Teodor martir		
10 S	Andriu Avelin c.		

46. Igl inimitg ha semnau zarclem denter la salin.

11 D	26. s. Tschuncheismas		
12 G	Martin papa		vgia
13 M	Stanislaus Costca conf.		
14 M	Josaphat m.		
15 G	Albert il Grond u. c. e d.		
16 V	Merens e Gertrud		plie-
17 S	Flurin c., Gregor uestg		


47. Il garnetsch da senav. Mt. 13,31-35

18 D	27. s. Tschuncheismas		
19 G	Lisabet vieua		
20 M	Felici confessur		vgia
21 M	Presentaziun de Maria		
22 G	Cecilia p. e m.		
23 V	Clemens I, papa		bi
24 S	Gion d. crusch, Crisogonus		

48. Tuttas schlatteinas vegnan a schemer. Mt. 24

25 D	28. s. Tschuncheismas		
26 G	Sivester avat		
27 M	Columban avat		
28 M	Gregori		
29 G	Saturnin, Fintan		
30 V	Andriu ap.		vent

December



Firaus Nadal cuflas sin mintga tuma, gl' auter onn massa puma. — Bi S. Gion de vin (= ils 27 de dec.), bi S. Gion stad (= ils 24 de zercl). — In bien onn vala per dus schliats. — Las bia reglas de purs falleschan mai! —

Sentenzias e proverbis purils, per part buc aunc publicai.

Rimnai da Guglielm Gadola, Cuera

Neidis sc'in pupi ei il nievnaschiu purschi.
Nauscha sco'l malon ei beinduras la fumitgasa dil caplon
Plats sco slondas ein savens ils cors dellas ondas.
In nas sc'in cuzè ei igl ornement dil parlèr.
Volver il burriu ano sa mintga asino.
Fest e fagot: las armas dil pauper galiot.
Enganar ed engular, lavur de narr.
Falliu e futiu ei il palesar igl udiu.
Sburflir e sburitschir ei mender che bargir.
Sesgarflar e selitgar fa dils parlèrs la cumar.
Criu e cotg, cuozza tier biars mo entochen las otg.
Ir alla mal'ura ei ina caussa buseruna.
Permalar ed offender ei fatg de zagrender.
Crutschs e carauns, mieds de nauschas dunnauns.
Dar cun il pal ha savens fatg migliar sal.
Fin sco vin e latg, savens in stoda fatg.

*

Ina vacca senza stgella, ei sc'ina matta senza curals.
Ils maghers van suren.
In tierm cloma l'auter.
Quel ch'ha catschau en cadeinas gl' emprem, metta en il muvel (= Cu dus u plirs han dretg de nuegl ensemes).
L'uolp va era cun tschuts ch'ein nudai.
Ina tuppa miur ei quella che ha mo ina rusna.
Umens pigns han savens gronda cua.
Meglier schliet siu, che bien dils auters.
Bien vin fa tschintschar latin.
Nua ch'il giavel sa buca metter ils corns, metta el la cua.
Femna gaglia, stoda sgagia.
Ins vegn era d'enfrar il pli grond piertg.

December

1 S Elegi uestg		plie-
-----------------	--	-------

49. Vies spindrament ei da maneivel. Lc. 21,25-33

2 D 1. Advent		
3 G Leci u. e m.		vgia
4 M Mierta p. e. m.		neiv
5 M Bärla purschala		
6 G Sontgaclau uestg		plie-
7 V Ambrosi u. c. e d.		
8 S Immaculada Concepz.		

50. Gion ha survigniu novas en perschun. Mt. 11,2-10

9 D 2. Advent		
10 G Eulalia Melchiades		vgia
11 M Damasus papa		
12 M Synesius		vent
13 G Lucia, Otilia		
14 V Gion d. crusch		plie-
15 S Valerian uestg		

51. Preparei la via dil Segner. G. 1, 19-28

16 D Gaudete		vgia
17 G Lazarus uestg		
18 M Jrmina p.		
19 M Urban V. papa		clar
20 G Ursicin c.		
21 V Tumasch a.		
22 S Flavian m.		

52. Fagei sias sendas plaunas. Lc. 3, 1-6

23 D 4. Advent		e
24 G Adam ed Eva		
25 M Nadal		
26 M Stiafen, protomartir		fer-
27 G Gion evangelist		da-
28 V Affons innocents		
29 S Tumasch uestg e m.		glia

53. L'enzenna de contradicziun. Lc. 2, 33-40

30 D egl otgavel		freid
31 G Silvester papa		